

營山縣志卷之十

輿地志

風俗

務農桑而尚禮義重氣節而飭廉隅載通志

地僻民勤其俗近古咸安志

士習

講求實學砥行立名

民風

耕織謀生勤勞嚮義

營山縣志

卷之十

輿地 風俗 二十六

冠

男子年當弱冠父母命子服冠於祖宗位前責以

成人之禮親友或贈以字雖未明稱冠禮亦有古

遺風焉

婚

凡父母為男求婚當男女方三四歲男家查女家

有年甲門戶相等者托媒妁以通其意允諾之後

肅啟以迎媒妁向女家達啟執贄訂盟及親迎時

納采等事俱依家禮行之

喪

父母初終人子謹備衣棺殯殮三日成服堂伯叔兄弟具訃代告擇期出柩前一日展奠儀節悉遵家禮親友具賻帛奠獻及柩出各執紼送之

祭

禮云士庶人祭其先蓋教孝之道也然從俗從宜各處不一營邑士民恪謹於春露秋霜之際愴然興報本之思清明掃墓七月孟蘭化帛冬至日有祠者合族具牲牲以昭祀事無祠者奠於家穀麥

營山縣志

卷之十

輿地

風俗

二十九

成熟以及菜菓之類亦隨時薦新士庶皆一體也  
祈禳

時當旱澇官長率士民齋戒祈禱至若疾病禳疫回祿禳災土木工畢安神謝土亦流俗所恒有  
每十二月寨會

立春前日士民辦高臺名曰社合以娛神官長陳儀仗坐明轎出城迎春東郊遠近聚觀謂之看春  
歲時元旦長幼咸興具衣冠以祀神及其祖先向尊長慶節互相拜賀數日始畢

元宵前期四民辦龍燈獅燈擇吉祭之始出燈前  
導魚蝦博古花鳥諸燈以數百計古者鄉人儺棘  
矢桃弧祓除不祥蓋此意也

二月清醮會四民延道士於社廟誦經散日扎草  
船送瘟火諸災

文昌聖誕或於廟中祭祀飲福或家供神位祭祀  
讀書者皆辦會一日

三月清明會前十日比戶皆祭掃祖墓近者男女  
悉至祭畢就地設坐飲福而歸清明日祠堂設祭

### 營山縣志

#### 卷之十 輿地

風俗 三十

飲福酒義塚會延僧道於廟誦經追薦無主孤魂  
四月初八日演戲誦經辦佛會

五月初五日瘟祖會十一日城隍會十三日關聖  
會二十四日京都城隍會四民迎神辦高檯惟關  
聖會不迎神出故無高檯

又初五日端陽節士民皆飲雄黃酒懸蒲艾於門  
以辟邪親友咸以角黍相餽遺互相拜賀

六月耕耘已畢農民出資比戶數十家於高阜處  
演傀儡戲以祀田祖以卦斷一方休咎飲福而散